

(վարչական տույժ նշանակելու վերաբերյալ)

«23» նոյեմբերի 2021թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետի ժ/պ Գոռ Բակլաջյանս, քննելով Ուկրաինայի քաղաքացի Արտեմ Հենրիկի Շեկոյանի (ծնված՝ 08.10.1981թ., անձն.FX654416) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

Ուկրաինայի քաղաքացի Արտեմ Հենրիկի Շեկոյանի կողմից 2019թ. թվականի նոյեմբերի 23-ին ՀՀ ՊԵԿ ԱՄՎ Բագրատաշենի մաքսային կետ-բաժնով թիվ 05100033/231119/0000571544 մաքսային մուտքի օրդերով 365 օր ժամկետով ժամանակավոր է ՀՀ տարածք է ներմուծվել «Մերսեդես Բենս Վիտո» մակնիշի, /vin-WDF63960513299547/, **BT5350CA** պետհամարանիշի 2007 թվականի արտադրության տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը երկարաձգվել է մինչև 30.09.2021թ., սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

Մաքսային հսկողության իրականացման արդյունքում ներկայացված փաստթղթերից պարզվել է, որ մաքսային հսկողության ներքո գտնվող նշված տրանսպորտային միջոցը առանց մաքսային մարմնի թույլտվության հանձնվել է ՀՀ քաղաքացի Սամվել Լենտրուշի Առաքելյանին: Վերջինս տրանսպորտային միջոցի ՀՀ-ում գտնվելու սահմանված ժամկետի խախտումով փորձել է արտահանել ՀՀ-ից:

ՀՀ ՊԵԿ Արևելյան մաքսատուն-վարչության Բագրատաշենի մաքսային կետ-բաժնի 4-րդ բաժանմունքի մաքսային տեսուչի կողմից 19.10.2021 թվականին Արտեմ Հենրիկի Շեկոյանի նկատմամբ կազմվել է մաքսային կանոնների խախտման վերաբերյալ

արձանագրություն ՀՀ մաքսային օրենսգրքի 198-րդ և 199-րդ հոդվածներով նախատեսված մաքսային կանոնների խախտման հատկանիշներով:

Արտեմ Շեկոյանի նկատմամբ ՀՀ մաքսային օրենսգրքի 199-րդ հոդվածի 1-ին մասի հատկանիշներով հարուցված վարչական գործի թննության օրը նշանակվել է 23.11.2021 թվականին ժամը 15:00-ին, վերջինս պատշաճ ծանուցվել է դիմումի մեջ նշված էլ. հասցեին, սակայն չի ներկայացել վարչական վարույթի քննարկմանը:

Վարչական վարույթի շրջանակներում Արտյոմ Շեկոյանի կողմից դիմում է ներկայացվել ՀՀ ՊԵԿ ԱՄՎ, որտեղ վերջինս հայտնում է, որ հիմնական բնակվում է Ուկրաինայի Հանրապետությունում: Սույն թվականի նոյեմբերի 17-ին փաստային ծանուցման միջոցով ստացել է ծանուցագիր, ըստ որի մաքսային կանոնների խախտման վերաբերյալ գործի քննությանը մասնակցելու համար 2021թ. նոյեմբերի 19-ին ժամը 12:00-ին հրավիրվել է ՊԵԿ իրավաբանակ վարչություն: Քանի որ որպես վարույթի մասնակից տեխնիկապես հնարավոր չէր ապահովել իր մասնակցությունը վարչական վարույթին, ապա հայտնում է իր դիրքորոշումը ու համապատասխան ապացույցներ և խնդրում է որոշում կայացնելիս հաշվի առնել այն: Այսպիսով «Մերսեդես Բենս Վիտո» մակնիշի տրանսպորտային միջոցը 23.11.2019թ. Բագրատաշենի մաքսային կետ-բաժնով ժանակավոր՝ 365 օր ժամկետով ներ է մուծել ՀՀ տարածք, որի ներմուծման ժամկետը երկարաձգվել է մինչև 30.09.2021թ.: Նշել է նաև, որ 28.04.2021թ. ստացել է աջ ազդրի տրանստրիսանտերիկ կոտրվածք, որի հետևանքով մինչև 21.10.2021թ. գտնվել է ամբուլատոր բուժման ներքո: ՀՀ տարածքում գտնվելու ընթացքում նշված տրանսպորտային միջոցի մոտ առաջացել են լուրջ անսարքություններ և ինքը խնդրել է ՀՀ-ում գտնվող հարազատներին, որ այն տեղափոխեն համապատասխան վարպետի մոտ, վերանորոգման, որից հետո պետք է լիազորել որևէ մեկին տրանսպորտային միջոցը ՀՀ մաքսային տարածքից արտահանել, քանի, որ ինքը չէր կարող, սակայն վերանորոգման ընթացքում մեքենայում հայտնաբերվել է լրացուցիչ անսարքություններ, որի հետևանքով իր կամքից անկախ պայմաններում մեքենան շահագործման հանձնվեց միայն 17.10.2021թ., նշել է նաև, որ 29.01.2021թ. ՀՀ քաղաքացի Սամվել Լենտրուշի Առաքելյանին արդեն լիազորել էր նշված տրանսպորտային միջոցը ՀՀ մաքսային տարածքից արտահանել:

20.10.2021թ. Սամվել Առաքելյանը ցանկացել է «Մերսեդես Բենս Վիտո» մակնիշի տրանսպորտային միջոցը արտահանել, սակայն մաքսակետը կազմել է մաքսային կանոնների խախտման վերաբերյալ արձանագրություններ և արգելել է արտահանումը: Կից ներկայացվել է համապատասխան փաստաթղթեր:

22.10.2021թ. թիվ Ն/22-4/190643-2021 զեկուցագրով հայցվել է տեղեկատվություն քաղաքացի Արտեմ Շեկոյանի /անձն. FX654416/ կողմից 23.11.2019թ. թիվ 05100033/231119/0000571544 ՄՄՕ-ով ժամանակավոր /365 օր ժամկետով/ ՀՀ տարածք ներմուծված «Մերսեդես Բենս Վիտո» մակնիշի, /vin-WDF63960513299547/, **BT5350CA** պետհամարանիշի 2007 թվականի արտադրության տրանսպորտային միջոցի՝ խախտման օրվա դրությամբ «Ներմուծում՝ ազատ շրջանառության համար» մաքսային ընթացակարգով հայտարարագրման դեպքում առաջացած մաքսային վճարների վերաբերյալ:

Ի պատասխան 22.10.2021թ. թիվ Ն/22-4/190643-2021 զեկուցագրի հայտնել են, որ թիվ 05100033/231119/0000571544 մաքսային մուտքի օրդերով «Մերսեդես Բենս Վիտո» մակնիշի, 2007թ. թողարկված, շարժիչի ծավալը՝ 2148սմ³, /vin-WDF63960513299547/, նույնականացման համարով ավտոմեքենան ազատ շրջանառության համար բաց թողնելու դեպքում կառաջանա մաքսատուրք՝ 5.439.767 ՀՀ դրամ, բնապահպանական վճար՝ 238.745 ՀՀ դրամ:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մքասային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

Նույն հոդվածի 9-րդ կետի համաձայն՝ Մաքսային մարմնի թույլտվությամբ և առանց մաքսային հայտարարագրի թույլատրվում է հայտարարատուի կողմից հետևյալ տրանսպորտային միջոցների փոխանցումը՝ օտարերկրյա ֆիզիկական անձի կողմից ժամանակավոր ներմուծված անձնական օգտագործման տրանսպորտային միջոցը՝ անդամ պետության ֆիզիկական անձին՝ սույն Օրենսգրքի 271-րդ հոդվածին համապատասխան մաքսատուրքերը, հարկերը վճարելու պարտավորության կատարումն ապահովելու պայմանով, ժամանակավոր ներմուծված անձնական օգտագործման տրանսպորտային միջոցը՝ այլ անձի՝ անձնական օգտագործման այդ տրանսպորտային միջոցը Միության մաքսային տարածքից արտահանելու համար, եթե այդ արտահանումը չի կարող իրականացվել հայտարարատուի կողմից՝ նրա մահվան, ծանր հիվանդության կամ օբյեկտիվ այլ պատճառով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ

ապրանքների և տրանսպորտային միջոցների համար «ներմուծում՝ ազատ շրջանառության համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

Վարչական իրավախախտումների վերաբերյալ գործերի վարույթը բացառող հանգամանքները սահմանված են Օրենսգրքի 247-րդ հոդվածով:

ՀՀ մաքսային օրենսգրքի 219 հոդվածի 2-րդ մասի ուժով սույն վարչական գործը քննվել է վերջինիս բացակայությամբ (Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս):

Նույն հոդվածի 3-րդ մասի համաձայն 2-րդ կետում նշված դեպքում մաքսային մարմնի պաշտոնատար անձն անհրաժեշտ բոլոր գործողությունները կատարում և գործը քննում է օրենսդրությամբ սահմանված կարգով:

Սույն դեպքով Արտեմ Հենրիկի Շեկոյանի անվամբ 23.11.2019թ. ՀՀ ՊԵԿ ԱՄՎ Բագրատաշենի մաքսային կետ-բաժնով թիվ 05100033/231119/0000571544 մաքսային մուտքի օրդերով 365 օր ժամկետով, ժամանակավոր ՀՀ մաքսային տարածք է ներմուծվել վերը նշված տրանսպորտային միջոցը: Համավարակով պայմանավորված՝ ԵՏՀ խորհրդի թիվ 47 որոշմամբ ժամկետը երկարաձգել էր մինչև 30.09.2021թ.:

Արտեմ Հենրիկի Շեկոյանը սահմանված ժամկետում չի արտահանել վերոնշյալ տրանսպորտային միջոցը, չի ձևակերպել այլ մաքսային ընթացակարգով և չի օգտվել օրենքով նախատեսված արտոնությունից: Վերջինս իմանալով, որ չէր կարող սահմանված ժամկետում վերաարտահանել տրանսպորտային միջոցը ՀՀ-ից, չի դիմել մաքսային մարմիններին այլ անձի կողմից արտահանման թույլտվություն ստանալու համար: Արտեմ Հենրիկի Շեկոյանը ցուցաբերել է անգործություն, որի հետևանքով առաջացել է պարտավորություն:

Այսպիսով, վարչական մարմինը, քննելով գործում առկա ապացույցները, գտնում է, որ նշված տրանսպորտային միջոցի հետագա արտահանման պարտավորության

չկատարման համար Արտեմ Հենրիկի Շեկոյանի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ, ինչը հիմնավորվում է կազմված արձանագրությամբ, Արտեմ Հենրիկի Շեկոյանի թիվ Մ-6232-2021 դիմումով և 23.11.2021 թվականի թիվ 05100033/231119/0000571544 ՄՄՕ-ով:

Ելնելով վերոգրյալից և ղեկավարվելով ՀՀ մաքսային օրենսգրքի 199-րդ, 206-րդ և 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար քաղաքացի Արտեմ Հենրիկի Շեկոյանին ենթարկել վարչական պատասխանատվության՝ տուգանելով՝ 2.839.121 ՀՀ դրամի չափով:
2. Որոշման մասին հայտնել Արտեմ Հենրիկի Շեկոյանին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և համաձայն ՀՀ ՄՕ 222-րդ հոդվածի 2-րդ մասի որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. 900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏԻ Ժ/Պ



ԳՈՌ ԲԱԿԼԱՅԱՆ